



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-495/24
Sarajevo, 27.03.2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 38. sjednici održanoj dana 27.03.2024. godine, usvojilo je

Izveštaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2023. godini.

PREDSJEDAVALJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

*IZVJEŠTAJ
O PROVOĐENJU ODLUKE O UTVRĐIVANJU I NAČINU SUFINANSIRANJA
SPORTSKIH MANIFESTACIJA OD POSEBNOG INTERESA
ZA GRAD SARAJEVO U 2023. GODINI*

Sarajevo, mart 2024. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



I UVOD

Programom rada Gradskog vijeća Grada Sarajeva za 2024. godinu predviđeno je razmatranje Izvještaja o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2023. godini.

II NAČIN FINANSIRANJA MANIFESTACIJA OD POSEBNOG INTERESA ZA GRAD SARAJEVO

Gradsko vijeće Grada Sarajeva donijelo je Odluku o utvrđivanju i načinu sufinansiranja sportskih manifestacija od posebnog interesa za Grad Sarajevo („Službene novine Kantona Sarajevo“, broj 10/19).

Istom su utvrđene sljedeće manifestacije od posebnog interesa za Grad Sarajevo:

- Memorijalni karate turnir „Kup oslobođenja – Salih Salko Ćurić“;
- Međunarodni memorijalni košarkaški turnir „Mirza Delibašić“;
- Međunarodni memorijalni turnir u dizanju tegova „Andrija Maleč“;
- Međunarodni memorijalni judo turnir „Vinko Šamarlić“;
- Međunarodni Šestoaprilski turnir u fudbalu U-15 „Josip Katalinski Škija“;
- Međunarodni turnir u ritmičkoj gimnastici „Suada Dilberović“;
- Međunarodni košarkaški turnir „Davorin Popović Dačo“;
- Memorijalni bokserski turnir „Braća Kadić“;
- Međunarodni memorijalni bokserski turnir „Mustafa Hajrulahović Talijan“;
- Međunarodni memorijalni judo turnir „Alija Miladin“;
- Međunarodni karate turnir Karate World Grand Prix „Alija Izetbegović“;
- Međunarodni teniski turnir za juniore-ke do 16 godina „Open RCT Barcelona 1899 – Sarajevo“;
- Međunarodni velemajstorski šahovski super turnir „Bosna“ Sarajevo;
- Međunarodni turnir u sjedećoj odbojci „SARAJEVO OPEN“;
- Međunarodno skijaško takmičenje FIS Kup „Djeca za mir u svijetu“;
- Međunarodni turnir u hokeju na ledu „Sarajevo kids“;
- Evropski judo kup Top ranking;
- Međunarodno FIS takmičenje u snowboardu „Europa KUP Sarajevo“;
- Međunarodni plivački miting „Sarajevu s ljubavlju“;
- Međunarodni vaterpolo turnir „Sarajevo Champions Challenge“;
- Šestoaprilski turnir u hrvanju „Kup grada Sarajeva“;
- Međunarodni Šestoaprilski turnir u kuglanju za slijepce i slabovidne osobe;
- Međunarodni Šestoaprilski turnir u streljaštvu;
- Međunarodni Šestoaprilski turnir u košarci;
- Sarajevski polumaraton;
- Međunarodni fudbalski turnir U-17 „Igraj fudbal živi život“;
- Međunarodni skokovi u vodu „Bentbaša“;
- Šestoaprilski turnir u streljaštvu za invalide;
- Međunarodni plivački miting „Mladi za mlade“;
- Sportske igre mladih;
- Međunarodna gradska atletska trka „Viviccita“;
- Sportske igre Oaze

Odlukom o utvrđivanju i načinu sufinansiranja sportskih manifestacija od posebnog interesa za Grad Sarajevo definirani su opći i posebni kriteriji, kao i procedura za finansiranje navedenih manifestacija. Organizatori manifestacija dužni su podnijeti gradonačelnici Grada Sarajeva, putem Gradske službe za obrazovanje, sport, kulturu i mlade, zahtjev za sufinansiranje manifestacije. Navedeni zahtjev mora sadržavati detaljan i obrazložen program sa svim aktivnostima, planiranu finansijsku konstrukciju programa, kao i kompletnu dokumentaciju kojom se dokazuje ispunjenje općih i posebnih kriterija, najkasnije do kraja septembra tekuće godine, kako bi se mogla planirati sredstva u Budžetu Grada Sarajeva za narednu godinu.

Gradska služba za obrazovanje, sport, kulturu i mlade procjenjuje programe manifestacija sa stanovišta značaja za Grad Sarajevo, kao i na osnovu općih i posebnih kriterija za finansiranje manifestacija, te shodno kvaliteti programa svoje stavove sa obrazloženim prijedlogom visine iznosa sredstava neophodnih za realizaciju, dostavlja gradonačelnici Grada Sarajeva na daljnji postupak.

Gradonačelnica Grada Sarajeva se obavezuje da sa organizatorima manifestacija zaključi ugovor kojim će se regulirati međusobna prava i obaveze.

Organizatori su dužni po završetku manifestacije dostaviti gradonačelnici Grada Sarajeva izvještaj o namjenskom utrošku sredstava shodno Odluci o izvršavanju Budžeta Grada Sarajeva.

III KRATAK OPIS SPORTSKIH MANIFESTACIJA OD POSEBNOG INTERESA ZA GRAD KOJE SU SUFINANSIRANE I REALIZOVANE U 2023. GODINI

U pogledu finansiranja programa iz oblasti sporta, iz skromnih budžetskih sredstava Grada Sarajeva, u 2023. godini sufinansirana je ukupno 21 sportska manifestacija. Jedan dio manifestacija nije održan.

SPORTSKE MANIFESTACIJE

MEĐUNARODNI MEMORIJALNI JUDO TURNIR „VINKO ŠAMARLIĆ“

Termin: 08.04.2023. godine. Mjesto održavanja: Sportska dvorana Goran Čengić. Organizator: Judo klub „Željezničar“. Na 31. Međunarodnom memorijalnom judo turniru „Vinko Šamarlić“ učestvovalo je više od 386 takmičara iz 31 kluba. Prvo mjesto ekipno osvojio je JK „Laktaši“ iz Laktaša, drugo mjesto JK „Nova Bila“ iz Nove Bile, a treće JK „Randori“ iz Istočnog Sarajeva. Proglašeni su i najbolji takmičari. U kategoriji U9M – Jovan Knezović, JK Sparta, U9W – Selma Njegović, JK Braća Lukač, U11M – Vitor Bjelogrić, JK Leotar, U11W – Josipa Biljaka, JK Nova Bila, U13M – Filip Šehovac, JK Famos, U13W – Ajsa Njegović, JK Braća Lukač, U15M – Aleksa Curović, JK Randori U15W – Ela Marković, JK Bosna, U18M – Denis Kadrić, JK Lukavac, U18W – Dunja Jovičić, JK Randori.

Za realizaciju turnira odobrena su sredstva iz Budžeta Grada Sarajeva u iznosu od 6.000,00 KM.

MEĐUNARODNI MEMORIJALNI TURNIR U DIZADNJU TEGOVA „ANDRIJA MALEČ“

Termin: 20.10.2023. godine. Mjesto održavanja: Hotel Malak, Ilidža. Organizator: Klub dizača tegova „Željezničar“ Sarajevo. Na turniru su nastupili takmičari iz 8 država (Albanije, Italije, Jordana, Bosne i Hercegovine, Hrvatske, Njemačke, USA i Turske). Najuspješnija ekipa na turniru je ekipa Italije, a pobjednici u pojedinačnoj konkurenciji po kategorijama su: Laret

Mero (ALB), Teo Krišto (BiH), Albert Meta (ALB), Tihana Majer (BiH), Faris Durak (BiH) i Amina Kreponić (BiH).

Za realizaciju turnira odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNI MEMORIJALNI BOKSERSKI TURNIR „MUSTAFA HAJRULAHOVIĆ TALIJAN“

Termin: 04.-10.09.2023. godine. Mjesto održavanja: Hotel Hills, Ilidža. Organizator: Bokserski klub „Zlatni ljiljani“. U Hotelu Hills na Ilidži održan je XX Međunarodni memorijalni bokserski turnir „Mustafa Hajrulahović Talijan“. Ovaj sportski događaj nosi ime u znak sjećanja na lik i djelo predsjednika BK „Zlatni ljiljani“ Mustafu Hajrulahovića Talijana te evocira uspomene i trajno podsjeća na heroja odbrane grada Sarajeva. Na turniru je učešće uzelo 130 bokserki i boksera iz 14 država. Da turnir prođe u što korektnijem i sportskom duhu, pobrinulo se sedam sudija iz četiri države, dva ljekara iz BiH, te supervizor turnira Michael Jansen iz Danske.

Za najboljeg boksera turnira proglašen je Ilia Bader iz Poljske. Najbolji tehničar bio je Mateus Urban, također iz Poljske. U konkurenciji žena najbolja je bila Manjo Rani iz Indije, a najbolja tehničarka Indijka Vikashi.

Za realizaciju turnira odobrena su sredstva iz Budžeta Grada Sarajeva u iznosu od 5.000,00 KM.

MEĐUNARODNI PLIVAČKI MITING „SARAJEVU S LJUBAVLJU 2023“

Termin: 01.-02.04.2023. godine. Mjesto održavanja: Olimpijski bazen „Otoka“. Organizator: Plivački klub „Bosna“. Na ovogodišnjem jubilarnom dvadesetom Međunarodnom plivačkom mitingu „Sarajevu s ljubavlju“ nastupilo je 424 plivačica i plivača iz 36 klubova koji su stigli iz pet zemalja. Najuspješnije plivačice po kategorijama bile su: Iman Avdić, apsolutna kategorija, PK Sport Time, Iman Avdić, do 16 godina, PK Sport Time, Ajša Gušić, do 14 godina, PK Sport Time, Jasna Borović do 12 godina, PK Budvanska rivijera Crna Gora i do 10 godina Sara Petrović, PK Budvanska rivijera Crna Gora. Najuspješniji plivači po kategorijama bili su: Uroš Nikolić, apsolutna kategorija, PK Vojvodina Srbija, Milan Milenković, do 18 godina, PK Budvanska rivijera Crna Gora, Arian Kadić, do 16 godina, PK Sport Time Sarajevo, Sami Burazerović, do 14 godina, PK Sharks Sarajevo i Joško Rozić, do 12 godine, PK Orka Mostar.

Za realizaciju mitinga odobrena su sredstva iz Budžeta Grada Sarajeva u iznosu od 7.000,00 KM.

MEĐUNARODNI TENISKI TURNIR ZA JUNIORKE I JUNIORE DO 16 GODINA „OPEN RCT BARCELONA 1899 – SARAJEVO 2023“

Termin: 19.-26.08.2023. godine. Mjesto održavanja: Teniski tereni „CSR Koševo“. Organizator: Teniski klub „Tenis Pro“. Na turniru je, pored inostranih takmičara, nastupilo i 23 teniserki i tenisera iz BiH. Teniski turnir „OPEN RCT Barcelona 1899-Sarajevo 2023“ turnir je među dvanaest teniskih turnira u Evropi za igračice i igrače do 16 godina starosti, sa statusom prve kategorije turnira. Pobjednik turnira kod djevojčica je Anastasija Cvetković (SRB) koja je bila bolja od Carle Vasquez Alcludia (ESP), a kod dječaka u finalu Arturs Zagaris (LAT) je pobijedio Jana Smrcka (GER).

Za realizaciju teniskog turnira odobrena su sredstva iz Budžeta Grada Sarajeva u iznosu od 7.000,00 KM.

MEĐUNARODNI VELEMAJSTORSKI ŠAHOVSKI SUPER TURNIR „BOSNA“ SARAJEVO 2023

Termin: 06.-09.12.2023. godine. Mjesto održavanja: Hotelu „Saraj“. Organizator: Šahovski klub „Bosna“ Sarajevo. Na turniru je učestvovalo 60 šahista iz Bosne i Hercegovine, Srbije, Hrvatske, Crne Gore, Azerbejdžana i Norveške. Nakon odigranih 7 kola po Švicarskom sistemu, uz tempo igre od 90 minuta po igraču, uz dodatak od 30 sekundi za svaki potez, najuspješniji je bio Johan-Sebastian Christiansen sa osvojenih 7 poena iz sedam partija. Drugo mjesto pripalo je Nihadu Hodžiću (BiH), a treće mjesto Sulejmanu Suljoviću (SRB). Za realizaciju turnira odobrena su sredstva iz Budžeta Grada Sarajeva u ukupnom iznosu od 4.000,00.

MEĐUNARODNI TURNIR U SJEDEĆOJ ODOBJCI „SARAJEVO OPEN 2022“

Termin: 26.-28.05.2023. godine. Mjesto održavanja: KSC „Ramiz Salčin“ Mojnilo. Organizator: OKI „FANTOMI“. Pod pokroviteljstvom Grada Sarajeva održan je XXII Međunarodni turnir u sjedećoj odbojci „SARAJEVO OPEN 2023“. Na turniru je učestvovalo osam ekipa, i to: TSV „Bayer“ Leverkusen, Njemačka, SDI „Hrabri“ Zagreb, Hrvatska, reprezentacija Hrvatske, ŠIOK „HVIDR-a“ Osijek, Hrvatska, IOK „Borac“ Banja Luka, OKI „Doboj“ Doboj, SDI „Jedinstvo – Biće“ Brčko, OKI „Općina Ilidža“ Ilidža, i OKI „FANTOMI“ Sarajevo. U okviru turnira „SARAJEVO OPEN 2023“ još jednom je skrenuta pažnja na opasnost od zaostalih mina i NUS-a. Najuspješnija ekipa turnira je OKI „Fantomi“ koja je u finalu pobijedila ekipu TSV „Bayer“ Leverkusen. Za realizaciju turnira odobrena su sredstva iz Budžeta Grada Sarajeva u iznosu od 8.000,00 KM.

MEĐUNARODNO SKIJAŠKO TAKMIČENJE „DJECA ZA MIR U SVIJETU“

Termin: 20.-22.02.2023. godine. Mjesto održavanja: Bjelašnica. Organizator: Sarajevski skijaški klub „SARAJEVO“. Pod pokroviteljstvom Grada Sarajeva održano je takmičenje FIS KUP „Djeca za mir u svijetu“ 2023. godine, u alpskom skijanju za djecu do 14 i do 16 godina. Na takmičenju je učestvovalo 135 takmičara iz 13 država. Kategorije u kojima su se djevojčice i dječaci takmičili su bile: slalom, veleslalom, super G. U disciplini Slalom i Super G U16 pobjednici su kod djevojčica Manca Dolinar (SLO), a kod dječaka Joža Šmit (SLO). U disciplini Super G U14 kod djevojčica je pobijedila Neža Šparovec (SLO), a kod dječaka Anur Mehić (BiH). U disciplini Slalom U14 kod djevojčica pobijedila je Lina Šoštarko (SLO), a kod dječaka Anur Mehić (BiH). U disciplini Slalom U16 kod djevojčica je pobijedila Julia Strel (SLO), a kod dječaka Zsolt Paska (ROU). Za realizaciju skijaškog takmičenja odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNO FIS TAKMIČENJE U SNOWBOARDU „EUROPA KUP SARAJEVO“

Termin: 28.-29.01.2023. godine. Mjesto održavanja: Bjelašnica – Štinji do. Organizator: Snowboard klub „Free Style“. Na Evropa Kupu Sarajevo 2023. godine učestvovalo je 78 takmičara i pratećeg osoblja iz pet zemalja. Najuspješniji takmičari bili su: Asja Klačar (BiH), Tia Zagar (SLO), Affan Žiško (BiH) i Edis Ozturk (BIH) u seniorskoj konkurenciji. U dječjoj kategoriji najuspješniji su bili Asja Užičanin (BiH) i Afan Biogradlić (BiH). Za realizaciju takmičenja odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNI HRVAČKI TURNIR „KUP GRADA SARAJEVA 2023“

Termin: 08.-09.04.2023. godine. Mjesto održavanja: Olimpijska dvorana ZETRA Juan Antonio Samaranch Organizator: Hrvачki klub „Bosna“.

Na ovogodišnjem turniru učešće je uzelo oko 150 takmičara iz 17 klubova i 8 država. Takmičenje je održano po pravilima svjetske hrvачke federacije u fair play atmosferi. Sveukupni pobjednik za sve uzrasne kategorije je Hrvачki klub „BOSNA“ Sarajeva.

Takmičenje je otvorio predsjedavajući Gradskog vijeća Jasmin Ademović.

Za realizaciju turnira odobrena su sredstva iz Budžeta Grada Sarajeva u iznosu od 6.000,00 KM.

MEĐUNARODNI KUGLAŠKI TURNIR ZA SLIJEPE „SARAJEVO 2023“

Termin: 04.04.2023. godine. Mjesto održavanja: Kuglana „Zetra“. Organizator: Sportsko društvo slijepih i slabovidnih KS. Povodom 6. aprila – Dana grada Sarajeva, u kuglani „Zetra“ održan je 14. Međunarodni kuglaški turnir za slijepe „Sarajevo 2023“. Na turniru je nastupio 52 kuglaša i kuglašica iz 11 ekipa. Ekipno prvo mjesto osvojila je ekipa KPŠRD Karel Jerah Ljubljana Slovenija, drugo mjesto ekipa ŠUS Podravina Koprivnica Hrvatska, a treće mjesto MDS Kranj Slovenija. U pojedinačnoj konkurenciji bilo je sedam kategorija, četiri muške i tri ženske kategorije. U kategoriji B1 muškarci prvo mjesto osvojio je Mitja Osolnik iz Ljubljane, u kategoriji B2 najbolji je bio Jože Lampe iz Kranja, u kategoriji B3 pobjednik je Zoran Macan iz Banja Luke, a u kategoriji B4 pobjednik je Željko Lončar iz Požege. U konkurenciji žena u kategoriji B1 najbolja je bila Iva Šola iz Koprivnice, u kategoriji B2 pobjednica je domaća takmičarka Tanja Đukić, dok je u kategoriji B3 pobjednica Ruža Markešić iz Zagreba.

Za realizaciju turnira odobrena su sredstva iz Budžeta Grada Sarajeva u iznosu od 7.000,00 KM.

MEĐUNARODNI ŠESTOAPRILSKI TURNIR U STRELJAŠTVU

Termin: 07.-09.04.2023. godine. Mjesto održavanja: Streljana „Zetra“. Organizator: Streljački klub Sarajevo. Na ovogodišnjem takmičenju nastupio je rekordan broj takmičara u seniorskoj konkurenciji. Došli su najbolji takmičari 27 ekipa iz jedanaest zemalja: Slovenije, Hrvatske, Crne Gore, Srbije, Sjeverne Makedonije, Mađarske, Češke Republike, Francuske, Rumunije, Moldavije i Bosne i Hercegovine. Prvog dana takmičenja na programu su bila takmičenja u ekipnoj i pojedinačnoj konkurenciji u gađanju zračnim oružjem. U ekipnom plasmanu u disciplini puška muškarci najuspješniji su bili takmičari SK Sarajevo koji su slavili ispred slovenačkih ekipa SD Trzn i SD I Pohorski bataljon. Pojedinačno prvo mjesto osvojio je svjetski i evropski rekorder i sedmerostruki evropski prvak Peter Sidi iz Mađarske. U konkurenciji žene puška, također, najuspješnije su bile domaće takmičarke SK Sarajevo koje su odbranile prvo mjesto osvojeno prošle godine. Pojedinačno prvo mjesto osvojila je Roxana Sidi iz Rumunije, drugo mjesto pripalo je Farah Oneščuk SK Sarajevo, a treće Urški Hrašovec iz Slovenije. U muškoj konkurenciji pištoljem najuspješniji su bili opet domaći takmičari SK Sarajevo koji su pobijedili ispred takmičara SD Trzin i reprezentacije Crne Gore. Pojedinačno kod muškaraca prvo mjesto osvojio je takmičar SD Kinkinda Duško Petrov, a kod žena Anna Dulce iz Moldavije.

Drugog dana takmičenja takmičari su se borili za simbolične nagrade u pojedinačnoj konkurenciji. Kod žena najuspješnija je bila opet Roxana Sidi koja je sjajnim gađanjem u finalu pobijedila ispred takmičarke iz Srbije Marije Kolarević. Treće mjesto pripalo je Slovenki Urški Hrašovec. Najzbudljivije finale bilo je kod seniora i pobjednik se nije znao do zadnjeg ispaljenog metka, ipak ponovo je najbolji bio Mađar Peter Sidi koji je pobijedio ispred Slovenca Luke Lukića. Treće mjesto pripalo je Mateju Rašiću SD Geofon Teslić. U gađanju zračnim pištoljem za žene ponovo je najbolja bila Moldavka Anna Dulce. Drugo i treće mjesto pripalo je reprezentativkama Crne Gore Neveni Šaranović, odnosno Anđeli Miličković. Kod

muškaraca opet je siguran bio reprezentativac Srbije Duško Petrov koji je bio bolji od Nikole Jovičića SK Geofon i Kristijan Vinka iz SD Trzin.

Takmičenje je otvorila dogradonačelnica Anja Margetić.

Za realizaciju turnira odobrena su sredstva iz Budžeta Grada Sarajeva u iznosu od 10.000,00 KM.

MEĐUNARODNI KOŠARKAŠKI TURNIR

Termin: 31.03.-02.04.2023. godine. Mjesto održavanja: Centar Skenderija. Organizator: Košarkaški klub „Koš“. Ovogodišnji turniru organizirao se u dva dijela. U prvom i u drugom dijelu učestvovalo je po 12 ekipa iz sedam zemlja: Turska, Slovenije, Hrvatske, Srbije, Crne Gore, Makedonije i Bosne i Hercegovine u kategorijama pionira, kadeta i juniora. U kadetskoj konkurenciji pobijedila je ekipa Cedevita Olimpija ispred Akademija Istanbul i Budućnost Voli. Proglašena je i najbolja petorka turnira: Ege Sak (Akademija Istanbul), Mark Međedović (Cedevita Olimpija), Kadribegović Tarik (KK Koš), Kremenović Gabrijel (Rijeka), Tatić Milan (Budućnost). Najkorisniji igrač je bio Bine Gabrijel (Cedevita Olimpija).

U konkurenciji juniora prvo mjesto osvojila je ekipa Spartak Subotica, dok su drugo i treće mjesto osvojile ekipe Darussafaka, odnosno SC Derby. Najbolja petorka u ovoj konkurenciji bila je u sastavu: Mehmet Ersin Erfa (Darussafaka), Dobrivoje Kojić (Sparta), Belmin Avdić (KK Koš), Jakob Fabijanić (Grad Rijeka) i Tarik Hrelja (SC DERBY). Za najkorisnijeg igrača proglašen je Dobrivoje Kojić (Spartak).

Za realizaciju turnira odobrena su sredstva iz Budžeta Grada Sarajeva u iznosu od 12.000,00 KM.

SARAJEVSKI POLUMARATON – „RUN FEST SARAJEVO 2023“

Termin: 15.-17.09.2023. godine. Mjesto održavanja: Sarajevo. Organizator: Udruženje za promociju sporta i razvoja „Marathon“ Sarajevo. Run fest Sarajevo 2023. održan je kao javni sportski i turistički događaj sa razvojnom, edukacijskom i promocijskom ulogom za Bosnu i Hercegovinu i okupio je veliki broj učesnika, kako aktivnih sportista, tako i građana koji se rekreativno/amaterski bave sportom. Manifestacija je okupila preko 800 učesnika iz Bosne i Hercegovine, Evrope i svijeta i uključivala je realizaciju tri utrke, popraćene zabavnim sadržajem za sve generacije te se u kontekstu ostalih gradskih i državnih sportskih dešavanja pozicionirala kao pravi festival trčanja, druženja, promoviranja zdravog života i pozitivnih vrijednosti. Učestvovali su trkači iz 45 zemalja. Centralni događaj Sarajevo Run fest-a bila je polumaratonska utrka. Pobjednica 16. Sarajevo polumaratona, u ženskoj konkurenciji bila je Ruth Nundu Mbatha (KEN) sa vremenom od 1:19:10, dok je u muškoj konkurenciji slavio Kenedy Kimutai Kaptila (KEN) sa vremenom od 1:03:03.

Za realizaciju manifestacije odobrena su sredstva iz Budžeta Grada Sarajeva u ukupnom iznosu od 12.000,00.

MEĐUNARODNI TURNIR U FUDBALU U-17 „IGRAJ FUDBAL ŽIVI ŽIVOT“

Termin: 02.-04.06.2023. godine. Mjesto održavanja: Centar za edukaciju, sport i rekreaciju „Safet Zajko“ i Trening centru Igman Ilidža. Organizator: Udruženje „Profesional“. Pravo nastupa na takmičenju imali su igrači do 16 godina, a učestvovalo je 8 ekipa.

Ekipa NK „Lokomotiva“ Zagreb u finalu je bila bolja od ekipe FK „Željezničar“ sa rezultatom 7:1, dok su u borbi za treće mjesto snage odmjerili FK „Spartak“ Subotica i FK „Sarajevo“, a na kraju je FK „Spartak“ osvojio treće mjesto rezultatom 4:2.

Za najboljeg igrača 12. turnira proglašen je Noa Godec (NK Lokomotiva), prvi strijelac turnira je Peter Pfeifer (NK Lokomotiva) sa osam postignutih pogodaka, dok je za najboljeg golmana proglašen Jovan Ristić (FK Spartak).

Za realizaciju fudbalskog turnira odobrena su sredstva iz Budžeta Grada Sarajeva u iznosu od 4.000,00 KM.

MEĐUNARODNI SKOKOVI U VODU „BENTBAŠA“

Termin: 05.08.2023. godine. Mjesto održavanja: Bentbaša. Organizator: Udruženje za promociju sporta i turizma „SporTur“. Na ovom sportsko-turističkom događaju pobijedio je Evald Krnić (MNE), drugo mjesto osvojio je Igor Arsenić (BiH), a treće Rade Šćepanović (MNE).

Za realizaciju manifestacije odobrena su sredstva iz Budžeta Grada Sarajeva u iznosu od 4.000,00 KM.

TURNIR U STRELJAŠTVU ZA OSOBE SA INVALIDITETOM

Termin: 01.04.2023. godine. Mjesto održavanja: Streljana „Zetra“. Organizator: Streljački savez invalidnih lica FBiH. U povodu 6. aprila – Dana grada Sarajeva, a u organizaciji Streljačkog saveza osoba sa invaliditetom Federacije Bosne i Hercegovine na strelištu Zetra, održan je jubilarni 20. Tradicionalni Šestoaprilski turnir u streljaštvu za osobe sa invaliditetom. Učestvovalo je 11 ekipa sa preko 70 strijelaca iz Sarajeva, Zenice, Tuzle, Maglaja, Žepča, Tešnja, Sanskog Mosta, Živinica i Banovića. Prema propozicijama takmičenje bilo je u ekipnoj i pojedinačnoj konkurenciji, a prema klasifikacijskim grupama. U ekipnom plasmanu prvo mjesto osvojila je ekipa SKOSI XP Žepče SIK Tuzla sa 538 krugova, drugo mjesto pripalo je SK OSI Novi Grad Sarajevo sa 519 kruga, a treće sa SIK Tuzla 515 kruga. Zlatne medalje po klasifikacijama invalidnosti osvojili su: Marko Budimir, Edib Šahman i Šaban Fatić. U ekipnoj konkurenciji kod žena ekipa SKOSI Živinice osvojila je prvo mjesto sa 355 krugova, drugo mjesto osvojila je ekipa SIK Tuzla sa 333 krugova, a treće mjesto pripalo je ekipi SKOSI Tešanj sa 291 krugom. Zlatne medalje po klasifikacijama invalidnosti osvojile su: Safeta Jagodić, Alma Tursunović i Mirela Ramić.

Za realizaciju turnira odobrena su sredstva iz Budžeta Grada Sarajeva u iznosu od 2.000,00 KM.

SPORTSKE IGRE MLADIH

Termin: 05.07.-07.07.2023. godine. Mjesto održavanja: Veliko finale u Sarajevu. Organizator: Udruženje za sport i rekreaciju mladih. Na Velikom finalu u Sarajevo je doputovalo oko 900 dječaka i djevojčica, pobjednika regionalnih i polufinalnih takmičenja.

Nisu povukli sredstva iz Budžeta Grada Sarajeva

SPORTSKE IGRE OAZE

Termin: 28.-30.09.2023. godine. Mjesto održavanja: Sarajevo. Organizator: Udruženje „OAZA“. Sportske igre OAZE je takmičenje međunarodnog karaktera koje je okupilo oko 300 takmičara iz Bosne i Hercegovine, Crne Gore, Slovenije i Srbije koji su se na sportskim terenima borili za medalje u sedam sportova: plivanje, nogomet, košarka, atletika, stolni tenis, boćanje, i MATP — program za osobe sa višestrukim smetnjama. Atletika je održana u Centru za sport i rekreaciju Safet Zajko i okupila oko 145 takmičara. U MATP programu takmičilo se 10 takmičara koji su imali zadatak da savladaju veoma zanimljiv poligon prepreka koji je prilagođen njihovim mogućnostima i sposobnostima. U plivanju i stolnom tenisu takmičilo se 90 takmičara. U nogometu i boćanju učestvovalo je oko 100 sportista. U disciplini košarka održan je unified sistem takmičenja gdje su volonteri bili raspoređeni u takmičarske ekipe te se na taj način predstavljala inkluzija u sportu.

Najuspješnijim ekipama i pojedincima dodijeljene su medalje.

Za realizaciju igara odobrena su sredstva iz Budžeta Grada Sarajeva u ukupnom iznosu od 2.000,00 KM.

MEĐUNARODNI VATERPOLO TURNIR „SARAJEVO CHAMPIONS CHALLENGE“

Termin: 23.-24.09.2023. godine. Mjesto održavanja: Olimpijski bazen Otoka. Organizator: Vaterpolo savez KS. Na turniru su nastupila 4 kluba Cattaro Kotor, Crvena Zvezda, Tašmajdan i Reprezentacija BiH.

Sa dvije pobjede turnir je osvojila ekipa Cattaro, drugo mjesto osvojila je Reprezentacija BiH, a treće mjesto pripalo je ekipi Crvene zvezde. Najbolji igrač je Ivan Marković Cattaro, najbolji strijelac Bakir Hadžić (BiH), a najbolji golman Viktor Savić (Crvena Zvezda).

Za realizaciju turnira odobrena su sredstva iz Budžeta Grada Sarajeva u ukupnom iznosu od 3.000,00 KM.

IV FINANSIRANJE OD STRANE GRADA SARAJEVA U 2023. GODINI

U segmentu podrške sportskim manifestacijama od posebnog interesa za Grad, a nakon provedene procedure, u 2023. godini su sljedeći projekti:

	Manifestacija	Organizator	Iznos
1	Međunarodni memorijalni judo turnir „Vinko Šamarlić“	Judo klub „Željezničar“	6.000,00
2	Međunarodni memorijalni turnir u dizanju tegova „Andrija Maleč“	Klub dizača tegova „Željezničar“ Sarajevo	3.000,00
3	Međunarodni memorijalni bokserski turnir „Mustafa Hajralahović Talijan“	Bokserski klub „Zlatni ljiljani“	5.000,00
4	Međunarodni plivački miting „Sarajvu s ljubavlju“	Plivački klub „Bosna“	7.000,00
5	Međunarodni teniski turnir za juniore-ke do 16 godina „Open RCT Barcelona 1899-Sarajevo“	Teniski klub „Tenis Pro“	7.000,00
6	Međunarodni velemajstorski šahovski super turnir „Bosna“ Sarajevo	Šahovski klub „Bosna“	4.000,00
7	Međunarodni turnir u sjedećoj odbojci „SARAJEVO OPEN“	OKI „Fantomi“	8.000,00
8	Međunarodno skijaško takmičenje FIS Kup „Djeca za mir u svijetu“	Sarajevski skijaški klub „SARAJEVO“	3.000,00
9	Međunarodno FIS takmičenje u snowboardu „Europa KUP Sarajevo“	Snowboard klub „Free Style“	3.000,00
10	Šestoaprilski turnir u hrvanju „Kup grada Sarajeva“	Hrvački klub „Bosna“	6.000,00
11	Međunarodni Šestoaprilski turnir u kuglanju za slijepce i slabovidne osobe	Sportsko društvo slijepih i slabovidnih KS	7.000,00
12	Međunarodni Šestoaprilski turnir u streljaštvu	Streljački klub „Sarajevo“	10.000,00
13	Međunarodni Šestoaprilski turnir u košarci	Košarkaški klub „Koš“	12.000,00
14	Sarajevski polumaraton	Udruženje za promociju sporta i razvoja „Marathon“ Sarajevo	12.000,00
15	Međunarodni fudbalski turnir U-17 „Igraj fudbal živi život“	Udruženje „Profesional“	4.000,00

16	Međunarodni skokovi u vodu „Bentbaša“	Udruženje za promociju sporta i turizma „SporTur“	4.000,00
17	Šestoaprilski turnir u streljaštvu za osobe sa invaliditetom	Streljački savez invalidnih lica FBiH	2.000,00
18	Sportske igre mladih	Udruženje za sport i rekreaciju mladih	
19	Sportske igre Oaze	Udruženje „OAZA“	2.000,00
20	Međunarodni vaterpolo turnir „Sarajevo Champions Challenge“	Vaterpolo savez KS	3.000,00
21	Međunarodni memorijalni košarkaški turnir „Mirza Delibašić“	Udruženje kulturno sportski klub MAXI	3.000,00

U 2023. godini za primjenu Odluke o finansiranju sportskih manifestacija od interesa za Grad bio je predviđen iznos od 150.000,00 KM.

Organizatori gore navedenih manifestacija su u 2023. godini dostavili narativne i finansijske izvještaje sa informacijama o načinu utroška dodijeljenih finansijskih sredstava, kao i o posjećenosti i rezultatima sa takmičenja. Dostavljene informacije su najbolji pokazatelji da su manifestacije koje sufinansira Grad Sarajevo vrhunske kvalitete, te da okupljaju mnogobrojne sportiste iz BiH, Evrope i svijeta, a sve veći broj posjetilaca je prisutan takmičenjima.

Napomena: Organizator sportske manifestacije „Sportske igre mladih“ nije povukao sredstva, jer su se obratili tek nakon dva mjeseca od završetka manifestacije.

V ZAKLJUČCI

Grad Sarajevo je u 2023. godini, provodeći Odluku o utvrđivanju i načinu sufinansiranja sportskih manifestacija od posebnog interesa za Grad, a u skladu sa planiranim sredstvima, podržao sve sportske manifestacije koje su se održale.

Provodeći Odluku o utvrđivanju i načinu sufinansiranja sportskih manifestacija od posebnog interesa za Grad uspjeli smo sačuvati kontinuitet održavanja određenog broja programskih sadržaja u okviru navedenih manifestacija, posebno onih koje se organiziraju u povodu 6. aprila – Dana grada Sarajeva.

Grad Sarajevo provodeći Odluku o sportskim manifestacijama omogućuje da veliki broj građana našeg grada, a posebno djece i mladih u toku cijele godine budu neposredni sudionici različitih međunarodnih sportskih sadržaja koji iz godine u godinu dobivaju na masovnosti, a posebno kvaliteti. Grad Sarajevo, kao olimpijski i sportski grad, će i ubuduće ulagati napore da sufinansira i podržava razne sportske sadržaje kako bi se na taj način animirali građani, posebno djeca i mladi, da prate sadržaje ovih sportskih manifestacija te da se i sami uključe u rad sportskih udruženja.